



千金方衍義

中武 9
176
9



門七武
第 176
卷 9



孫真人千金方衍義卷六上

長洲張瑤路玉著

南沙席世臣郢客校

七竅病方上 凡五類

目病第一 論一首 方六十九首 證三首 灸法二十八首

論曰凡人年四十五已後漸覺眼暗至六十已後還
漸目明治之法五十已前可服瀉肝湯五十已後不
可瀉肝目中有疾可傳石膽散藥等無病不可輒傳
散但補肝而已自來肝中有風熱令人眼昏暗者當
灸肝膈及服除風湯圓散數十劑當愈

生食五辛	接熱飲食	熱餐麪食
飲酒不已	房室無節	極目遠視
數看日月	夜視星火	夜讀細書
月下看書	抄寫多年	雕鏤細作
博奕不休	久處烟火	泣淚過多
刺頭出血過多		

右十六件並是喪明之本養性之士宜熟慎焉又有馳騁田獵冒涉風霜迎風追獸日夜不息者亦是傷日之媒也恣一時之浮意為百年之痼疾可不慎歟凡人少時不自將慎年至四十即漸眼昏

若能依此慎護可得白首無他所以人年四十已去常須瞑目勿顧他視非有要事不宜輒開此一術護慎之極也其讀書博奕等過度患目者名曰肝勞若欲治之非二年閉目不視不可得瘥徒自瀉肝及作諸治終是無效人有風疹必多眼昏先其攻其風其暗自瘥其入新眼則更難治足太陽陽明手少陽脈動發目病上風火則目出黃帝問曰余嘗上清冷之臺中陞而顧匍匐而前余私異之竊內怪之或獨冥視安心定氣久而不解被髮長跪俛而視復久之又不已卒然自止何氣使然

岐伯對曰五臟六腑之精氣皆上注於目而爲之睛
睛之果者爲眼骨之精爲瞳子筋之精爲黑眼血之
精爲其絡果氣之精爲白眼肌肉之精爲約束窠契
筋骨氣血之精而與脈并爲系系上屬於腦後出於
項中故邪中於項因逢身之虛其入深則隨眼系以
入於腦入於腦則轉轉則引目系急急則目眩以轉
矣邪中其睛則其睛所中者不相比則睛散睛散則
岐故見兩物目者五臟六腑之精也榮衛魂魄之所
榮也神氣之所生也故神勞則魂魄散志意亂是故
瞳子黑眼法於陰白眼赤脈法於陽故陰陽合揣而

精明矣目者心之使也心者神之舍也故神分精亂
而不轉卒然見非常之處精神魂魄散不相得故曰
惑帝曰余疑何其然也余每之東苑未嘗不惑去之
則復余惟獨爲東苑勞神乎何其異也岐伯曰不然
夫心有所喜神有所惡卒然相感則精亂視誤故神
惑神移乃復是故間者爲迷甚者爲惑
目眥外決於面者爲兌眥在內近鼻者上爲外眥下
爲內眥目赤色者病在心白色者病在肺青色者病
在肝黃色者病在脾黑色者病在腎黃色不可名者
病在胸中

診目痛赤脈從上下者太陽病從下上者陽明病從外走內者少陽病

夫鼻洞鼻洞者濁下不止傳為歟膏瞑目故得之氣厥足陽明有俠鼻入於面者名曰懸顱屬口對入係日本視有過者取之損有餘益不足反者益甚足太陽有通頂入於腦者正屬日本名曰眼系頭目固痛取之在項中兩筋間入腦乃別陰躋陰陽相交陽入陰出陽交於兌皆陽氣盛則瞑目陰氣絕則眠瞑

神麴圓 主明目百歲可讀註書方

神麴 四兩 磁石 二兩 光明砂 一兩

右三味為末煉蜜為丸如梧子飲服三九日三不

尋常服益眼力眾方不及學者當知此方神驗不可言當祕之 一名磁珠丸

衍義 磁稟北方坎水之精殊稟南方離火之氣以二味

質重故藉神麴發越其沉著之性以鎮神水之不清下金原用蜜丸日服梧子大九九近世即於本方中分出神麴一兩調糊代蜜為丸空心米湯下三十九丸因病緊一時急療之法非常服保光之謂其蜜丸麴丸多服少服之義隨時酌量可也

瓜子散 治眼漠漠不明補肝方 亦名十子散

冬瓜子

青菴子

茺蔚子

枸杞子

牡荊子

蒺藜子

兔絲子

蕪菁子

決明子

地膚子

柏子仁

牡桂

萸萸根

蕤仁

車前子

細辛

半兩

各二兩

合

一兩

右十六味治下節食後以酒服方寸七日二神驗

衍義

前方煥發靈臺此方隨性類聚方下所云治眼漠

漠不明雖言補肝而益腎之味亦復不少方中冬

瓜子益氣令人悅澤好顏色青菴子入肝明目茺

蔚子益精明目枸杞子治腎虛目暗牡荊子除風

熱開經絡導痰涎行血氣蒺藜子治惡血破積聚

明目輕身兔絲子去風明目入肝腎氣分蕪菁治

熱毒風腫子專明目決明子治青盲目淫膚赤白

膜眼赤淚出地膚子久服耳目聰明柏子仁除風

濕安五臟令人耳目聰明牡桂利關節通神明萸

萸根即木通去熱翳赤白障蕤仁治心腹邪熱結

氣目赤腫痛皆爛淚出車前專治水輪不清細辛

明目利九竅總取補肝明目之用肝血清而腎水

受蔭矣

補肝圓 治眼暗方

青箱子 桂心 葶藶

杏仁 細辛 芫蔚子

枸杞子 五味子各一兩 茯苓

黃芩 防風 地膚子

澤瀉 決明子 麥冬

麩仁各一兩 六銖 車前子 兔絲子各二合

乾地黄三兩 兔肝一具

右二十味為末蜜丸飲下二十九如梧子日再加至二十九

衍義即於瓜子散中除去瓜子牡荊蒺藜蕪菁柏仁萸

萸根六味參入防風黃芩散風熱茯苓澤瀉滲濕

熱地黄冬味滋燥熱葶藶杏仁開結熱其補肝之

力全在兔肝一味

又方 治眼暗眵不明寒則淚出肝腎所損方

兔肝二具 柏子仁 乾地黄

茯苓 細辛 麩仁

枸杞子各一兩 六銖 防風 芫蔚子

山藥各一兩 車前子一合 五味子十八銖

甘艸半兩 兔絲子一合

右十四味爲末蜜丸酒服如梧子二十九日再服
加至四十九

衍義

又於補肝丸中除去菁稍桂心葶藶杏仁菟蔚黃
芩地膚澤瀉決明門冬十味參入山藥柏仁芎藭
甘艸較前補肝丸用法稍平而補肝之功最穩蓋
眈眈不明肝腎精血不充之驗所以首推兔肝同
氣相感之力其妙用尤在細辛防風開發經絡之
滯則諸藥方得上注於目也

補肝散 治目失明漠漠方

決明子 半升

蓼子 一合熬

青羊肝 一具去上膜薄

切之以新瓦瓶子未用者淨拭兩肝於中炭火上炙之令極乾汁盡末之

右三味合治下篩以粥飲食後服方寸七日二劑
加至三七不過兩劑能一年服之可夜讀細書

衍義

決明久服能益精光蓼實溫中明目青羊卽殺羊
青盲明目之專藥皆本經主治不特滋陰補肝兼
能散血舒筋同氣相感之妙用如此

又方 治三十年失明方

鍾乳粉

雲母粉 各煉成者

細辛

茯苓

遠志

五味子 等分

右六味治下篩以酒服五分七日三加至一錢七

衍 失明而至二三十載陽精耗竭已極方用鍾乳温
義 經通竅明目益精雲母鎮攝虛陽益精明目細辛
遠志開發腎肝茯苓守護真氣五味子交通心腎
鼓舞氤氳之氣上行何憚精光之不復耶

補肝蕪菁子散 常服明目方

蕪菁子三升淨淘以清酒三升煮令熟曝乾治
下篩以井花水和服方寸匕稍加至三七無所
忌可少少作服之令人充肥明目洞視水煮酒
服亦可

又方

三月三日採蔓菁花陰乾治下篩空心井花水
服方寸匕久服長生明目可夜讀細書

又方

胡麻一斗蒸三十遍治下篩每日酒服一升

又方

服小黑豆每日空心吞二七粒

補肝散 治男子五勞七傷明目方

地膚子

一斗陰乾為末

生地黃

十斤搗取汁

右二味以生地汁和散曝乾更為末以酒服方寸

七日二

又方

白瓜子七升絹袋盛攪沸湯中三遍曝乾以酢五升浸一宿曝乾治下篩酒服方寸七日三服之百日可書細字

衍義

蕪菁治熱風腫子專明目久服令人肥澤 又採

花陰乾久服長生明目 胡麻酒服補腎之精血

血充則水輪自明 生黑豆日服明目補腎最捷

地膚子利小便治膀胱之熱生地黃汁滋血潤

燥除瘀積和損傷陰血不足不能近視者宜之

白瓜子即冬瓜仁也酢浸以引入肝能去面上黥

黑潤澤肌膚以其能解毒除垢也

梔子仁煎 治肝實熱目皆痛如刺方

梔子仁

決明子

麩仁

各一兩

車前葉

秦皮

各一兩六銖

石膏

一兩碎如小豆

苦竹葉

二合

細辛

半兩

赤蜜

三合

右九味咬咀以井花水三升煮取七合去滓下蜜更煎取四合以綿濾之乾器貯密封勿使艸芥落中以藥汁細細仰臥以傳目中

衍義

肝熱皆痛非寒苦萃聚無以療之蜜隨赤白而分

補瀉此用赤蜜專滋火燥也

瀉肝湯 治眼赤漠漠不見物息肉生方

柴胡 芍藥 大黃各四兩

決明子 澤瀉 黃芩

杏仁各三兩 升麻 枳實

梔子仁 竹葉各二兩

右十一味咬咀以水九升煮取二升七分三服
熱多體壯加大黃一兩羸老去大黃加梔子仁五兩

又方 治眼風赤暗方

前胡 芍藥各四兩 生地黃十兩

芒硝 黃芩 茯苓

白芷 枳實各三兩 人參

白朮 梔子仁 澤瀉各二兩

甘艸 細辛各一兩 竹葉五升

右十五味咬咀以水二斗煮減半去滓取七升內

芒硝煮取四升分三服

衍義目赤而生息肉非上下開泄不能瀉其結熱升麻

柴胡引之上泄枳實大黃引之下泄澤瀉梔子竹

葉兼清水道黃芩芍藥兼清肝火也 又方所治

赤暗與前方不殊以其正氣日衰病氣日固故加

人參白朮甘艸於滌熱劑中鼓舞胃氣運行藥力
方中前胡細辛白芷卽前方柴胡升麻杏仁之變
法也

洗肝乾藍煎 治肝熱不止衝眼眼眦赤赤脈息
肉痛閉不開熱勢彭彭不歇及目睛黃方

乾藍

車前葉

苦竹葉

各三升

細辛

秦皮

蕤仁

梔子仁

芍藥

決明子

各三兩 四兩

升麻 二兩

右十味咬咀以水二斗先煮車前乾藍竹葉取一

斗去滓澄清取八升內藥煮取三升分三服須利

加芫硝二兩

衍義

目痛熱腫不開而見赤脈色黃肝熱勢甚可知乾

藍車前竹葉卽前煮三味秦皮梔子芍藥蕤仁

從梔子仁煎瀉肝二湯採取不過添水止沸術耳

細辛升麻揭開鍋蓋法也方後芫硝則兼鍋底抽

薪之用一方而兼上三方之意也

大棗煎 治目熱眦赤生赤脈侵睛息肉急痛閉

不開如芥在眼礮痛方

大棗

七枚去皮核

黃連

二兩碎 綿裹

淡竹葉

五合 切

掃葉山房

右三味以水二升煮竹葉取一升澄清取八合內棗肉黃連煎取四合去滓令淨細細以傅目眚中義衍方下見證皆屬心脾陽躄之熱非黃連竹葉無以折之用大棗者以和黃連苦燥之性此與梔子仁煎用赤蜜之意不殊

治目中息肉方

驢脂

石鹽末

右二味和合令調注目兩眚頭日三夜一瘥又方

取五加根皮搗末一升和上酒三升浸七日外

一日兩時服之禁酢二七日徧身生瘡若不出未得藥力以生熟湯浴之取毒瘡出瘥

義衍

驢脂動風用為祛風之使石鹽軟堅兼取降火之功五加皮酒浸能搜風散血服後遍身生瘡則毒熱外泄也

洗眼湯 治熱上出攻目生瘴翳目熱痛汁出之

方

秦皮

黃柏

決明子

黃連

黃芩

麩仁各十
八銖

梔子七枚

大棗五枚

右八味咬咀以水二升浸煮取六合澄清仰臥洗
日一

衍義方用金花湯加秦皮蕤仁決明渾是苦寒以洗目
痛汁出熱極生翳全賴大棗以和諸藥之性始無
壅遏之虞

治目生翳方

貝子十枚燒灰治下篩取如胡豆著翳上日二
正仰臥令人傳之炊久乃拭之息肉者加珍珠
如貝子等分

治目赤及翳方

烏賊骨

鈇丹

大小
等分

右二味合研細和白蜜如泥蒸之半食久冷著眼
四眦

又方

白羊髓傅之良

又方

熟羊眼睛曝乾治下篩傅目兩角

又方

新生孩子胞衣曝乾燒末傅目眚中

又方

千金方卷之十一
古錢一枚

鹽方寸七

右二味合治下篩傳目眚中

衍義

貝子為軟堅磨腎專藥加珍珠則專消息肉以能清手足厥陰濕熱也 烏賊骨味鹹走血為腎肝 奕堅專藥鈔丹性沉墜走血為除熱下氣鎮攝要藥和蜜冷著四眚取其潤澤留戀也 羊骨可以消鐵即骨髓之磨腎可不言而喻 羊眼屬金故可治眼中腎膜 胞衣灰散瘀血消目赤醫宜之 古錢薑汁塗刮青點目去醫消風加鹽奕堅尤捷但作瘡者勿用

治目風淚出浮醫多膿爛眚方

乾薑

決明子

礬石

麩仁

細辛

黃連

戎鹽各六銖

銅青三銖

右八味咬咀以少許水浸一宿明旦以好白蜜八合和之著銅器中綿蓋器上著甑中以三斗麥屑蒸之飯熟藥成絞去滓以新死大雄鯉魚膽二枚和內藥中又以大錢七枚常著藥底兼常著銅器中竹簪綿裏頭以注目眚頭晝夜三四不避寒暑數著藥訖又以魚膽和好覆藥器頭勿令氣歇善

治熱昏漫睛方

以羊筋漱口熟嚼夜臥開目內之即閉目睡去
膜明日即瘥千金翼以治
明目不明

治目熱生膚赤白膜方

取雄雀屎細直者人乳和熟研以傅之當漸消

爛

治人馬白膜漠睛方

以雞翎截之近黑睛及當白睛啣之膜自聚鈞
鍼鈞挽之割去即見物以綿當眼上著血斷三
日瘥

衍義

淚出浮翳多屬於風膿黏皆爛多屬於濕細辛專

泄久伏肝風乾薑專開宿蘊脾濕黃連統理肝脾

濕熱決明蕤仁本經雖不言治風而實目科風熱

要藥戎鹽礬石銅青皆退熱收濕為爛脾風眼之

必須然非以蜜濡之不能無疼燥之虞 羊筋磨

肝雀矢礪腎皆丹方中可取用者 雞翎管啣而

鈞割之法頗捷然非指下精熟難以輕試

蕩風散 治目白膚風淚下方刪繁方
真珠散

光明硃砂半兩 貝齒五枚燒 衣中白魚七枚

乾薑三銖

右四味於新磁鉢中研之厚帛三下為散仰臥令
人小指爪挑少許傳目中取瘥為度 一方用生
薑自然汁澄粉代乾薑

治目中生息肉膚翳稍長欲滿目閉瞳子及生珠

管方

貝齒七枚燒為末 珍珠等分

右二味合治如粉以注翳肉止日三度甚良亦治
目中眯不出

治日生珠管方

滑石 手爪甲燒 龍骨

貝齒 丹砂各等分

右五味治下篩以新筆點取當珠管上日三度良

行義

丹砂貝齒衣中白魚皆取磨翳薑粉專於治癢
貝齒珍珠不特去息肉而眼漏用之亦能消管

滑石爪甲龍骨貝齒丹砂雖主珠管亦能消翳總

取貝齒磨堅之力

治毒病後目赤痛有翳方

以青布掩目上以冷水漬青布數易之

治熱病後生翳方

豉二七枚燒為末內管中以吹目中

治熱病後眼暗失明方

以羊膽傳之旦暮各一

衍義

專取藍澱之餘漬濕以化餘毒然惟暴赤者宜之

豉灰除溫疫毒癘亦能治病後餘熱 羊膽專

清肝膽之火病後血虛者尤宜

治風眼爛眥方

竹葉

黃連

各一兩

柏白皮

一兩半

右三味咬咀以水二升煮取五合稍用滴目兩眥
日三四度

治胎赤眼方

取槐木枝如馬鞭大長二尺齊頭麻油一匙置

銅鉢中且使童子以木研之至暝止夜臥時洗

目傳背日三良

治目爛赤方

取三指撮鹽置古文錢上重重火燒赤投少醋

中足淹錢以綿沾汁注目眥中

洗眼湯 治目赤痛方

甘竹葉

七枚

烏梅

古錢

各二枚

右三味以水二升漬藥半日東向竈煮三沸三上
三下得三合臨欲眠注目眥

治目中風腫痛除熱揉眼方

礬石三兩燒令汁盡以棗膏和如彈丸揉眼上
下食頃日三止

治目卒腫方

以酢漿水作鹽湯洗之日四五度

衍義

竹葉柏皮黃連并清濕熱 槐枝益腎清火麻油

滋血潤燥以初生小兒不勝寒折故以微潤解之

古文錢鹽燒酢淬收斂肝經濕熱然惟瀆癢者

為宜 竹葉烏梅古錢與治目爛赤同類彼同鹽

煨以治宿昔蘊垢此同竹葉以除暴赤風熱彼投

少醋引之入肝此取烏梅引之開竅 礬灰專除

濕熱 漿水鹽湯同收火逆

治五臟客熱上衝眼內外受風冷目痛不明方

地膚子 白瓜子 青葙子

蒺藜子 菟藟子 藍子

兔絲子 各二合翼 柏子仁 合半翼

決明子 五合 細辛 一兩 桂心 一兩十

大黃 二兩 螢火 六銖 黃連 一兩

右十五味為末蜜丸如梧子每服三十九食後服

日三

衍義

方中十一味出瓜子散彼因漠漠不明故用萸萸根收斂精氣而保光此因風從火化故用二黃以掃濕熱藍子以清肝火螢火專於明目所以本經獨標主治也

乳汁煎 治目中風冷淚出皆赤癢方

川連 十八銖

麩仁 半兩

乾薑 一兩

右三味咬咀以人乳汁一升漬藥一宿明旦以微火煎取三合綿絞去滓取如黍米許內目眦頭日

三 張文仲方 三味等分

治目赤痛方

雄黃 一銖

細辛 口中 黃連

乾薑 各二銖

右四味合治如粉以綿裹釵股唾濡頭注藥末內大眦頭急閉目目中淚出須臾止勿將手近勿將帛裏勿洗之

又方

雄黃

乾薑

黃連

礬石 各六銖

右四味合治並如前方 一方加細辛六銖

治眼赤暗方

古青錢 三枚

青鹽 一兩六銖

杏仁 未熟時取仁搗汁一合

右三味合內磁器中封頭勿泄氣百日後出著目四眚頭日二三避風冷

治眼暗赤冷淚方

蕤仁

波斯鹽

右二味等分治下篩以驢生脂和每夜傅日四角以一粟大密室中將息一月日瘥忌五辛失明者三十日傅之

治目痛及淚出不止方

削附子作蚕屎大內目中臥良

治目卒癢痛方

削乾薑令圓滑內眚中有汁拭却復內薑味盡易之

治目不明淚出方

以烏雞膽臨臥傅之

義

薑得人乳則和而不烈連得蕤仁則潤而不燥兼得逆治順治之奧若淚出不止不妨稍減乾薑此義文仲得之 其治目赤痛亦用薑連薑得雄黃則熱得宣通連得細辛則寒能孚化總取寒熱兼濟之力 又方用礬石易細辛佐雄黃以收濕去

垢為薑連之佐使也 其青鹽杏仁汁漬古錢即
前洗眼湯之變法 蕤仁波斯鹽驢脂即前治目
風淚出浮瞖多膿爛眦方之變法此用驢脂透風
潤燥彼用鯉魚膽除濕去垢主治稍有不同 削
附子內目中專主積寒內伏冷淚不止若赤腫疼
痛者慎勿誤與 削乾薑令圓滑內眦中治目卒
癢痛專主虛陽上擾癢痛不時與削附子內目中
同法 烏雞膽汁專主肝血不充熱淚不止與削
附子內目中之法角立
治雀盲方

地膚子

五兩

決明子

一升

右二味為末以米飲汁和丸食後服二十九至三
十九日三盡即更合瘥止

治雀目術

令雀盲人至黃昏時看雀宿處打令驚起雀飛
乃呪曰紫公紫公我還汝盲汝還我明如此日
日瞑三過作之眼即明曾試有驗 肘後云剛繁
載支太醫法

真珠散

治肝氣虛寒眼青眵眵不見物方

真珠

一兩
研

白蜜

二合

鯉魚膽

鯉魚腦

各一
枚

右四味和合微火煎兩沸綿裹內目中當汁出藥
歇更為之

治目眵眩無所見方

青羊肝一具細切以水一斗內銅器中煮以麩
餅覆上上鑽兩孔如人眼正以日向就熏目不

過再熏即瘥千金翼若眼暮無所見不用麩餅

衍義

地膚益精解熱久服耳聰目明決明療青盲目淫
久服益精光輕身允為調補本虛之良劑 真珠

散熱消障鯉魚膽腦除風滌熱兼白蜜解毒潤燥

總取異類有情功勝草根木實 煮殺羊肝熏目

取同氣相入之義後人用猪羊肝蚌蛤粉煮食從
此悟出

治眼暗方

以銅器盛大酢三四升煮七八日覆器濕地取
銅青一合以三月杏白仁一升取汁和銅青傳
之不過三四度

又方

古錢 七枚

銅青

乾薑

石鹽

胡粉

荇蓂子

各中

烏頭棗核

川連三銖

細辛

五銖

蕤仁 一百二十粒

酢 二合

清酒 五合

楸葉 一把

取汁

右十三味治下篩合煎取三分去一盛釜器中若燥取人乳和傅目慎風冷

又方

每朝含黃蘗一爪甲許使津置掌中拭目訖以水洗之至百日眼明此法乃可終身行之永除眼疾神良

又方

柴胡 六銖

決明子 十八銖

右二味治下篩人乳汁和傅目可夜書五色

治眼暗方

七月七日生苦瓠中白絞取汁一合以酢一升浸古文錢七枚微火煎減半以米許大內皆中衍義銅青入肝去垢杏仁消腫散風方下雖治目暗而

腫赤亦宜用之 又方用古錢銅青薑連鹽乳細辛麩仁消腎化熱之品總皆點傅恒用之藥惟胡粉佐古錢銅青透達固結之陰毒烏頭合薑連細辛開發鬱遏之熱邪薪莫治目痛淚出楸葉能拔毒排膿他方未用世亦罔知其酢通肝滯酒行經

絡人乳潤燥非細心體會不能達此 每朝含黃
柏取津唾拭目不獨滋陰兼能清火 柴胡開提
肝氣決明滋益精光乳汁以和血氣 苦瓠和酢
浸熬古錢不獨磨腎兼能逐垢但藥頗峻厲虛者
宜慎

治眼漠漠無所見方

蕤仁

秦皮

川連

各十
八銖

螢火 七枚

決明子 一合

右五味咬咀以水八合微火煎取三合冷以綿注
洗日日三度

衍義

方中蕤仁川連決明螢火四味皆出前治五臟客
熱上衝眼內外受風冷目痛不明方中但參入秦
皮一味以治目中青翳白膜專取苦降達肝之意
但彼蜜丸服此水煎洗內外不同而取用之藥不
殊也

常服輕身益氣明目方

蕪菁子一升以水四升煮令汁盡出曝乾復以
水四升煮如前法三煮三曝治下篩飲服方寸

七

千金翼云百日身
熱瘡出不久自瘥

衍義

前補肝蕪菁子散但用酒煮此三煮三曝為之稍

異其無毒則服之充肥有毒者服之瘡出則蕪菁
祛毒之驗於此可徵

主明目令髮不落方

十月上巳日收槐子內新磁甕中以盆密封口
三七日發封洗去皮取子從月一日服一枚二
日二枚日別加計十日服五十五枚一月日服
一百六十五枚一年服一千九百八十枚小月
減六十枚此藥主補腦早服之髮不白好顏色
長生益壽先病冷人勿用之

時後云
扁鵲方

又方

牛膽中漬槐子陰乾百日食後吞一枚十日身
輕三十日白髮再黑至百日通神

衍義

槐稟虛宿之精而子專益腎補益水輪之功獨充
并可傍及於髮髮乃血之餘任脈所主任爲陰脈
之海腎之外垣天一生水之源故主目與髮也
又以槐子漬牛膽中陰乾日服功效尤神

治目中眯不出方

以蠶砂一粒吞下卽出

治稻麥苳等入目中方

取生蟬蟪以新布覆目上將生蟬蟪從布上摩

之也出著布良

治沙石艸木入目中不出方

以雞肝注之

又方

以書中白魚和乳汁注目中

治目為物所傷觸青黑方

煮羊肉令熟熨勿令過熱猪肝亦得

治目痛不得睡方

暮灸新青布熨并蒸大豆袋盛枕之夜常令熱

符義

目眯用蠶砂

稻芒用蟻嘈

沙石艸木用雞肝

及書中白魚

物傷煮羊肉熟熨

目痛灸青布

熨并蒸豆袋作枕皆隨機應用之法

目中赤痛從內眥始取之陰躄

目中痛不能視上星主之先取諶諱後取天牖風

池

青膏遠視不明承光主之

目瞑遠視眈眈目窻主之

目眈眈赤痛天柱主之

目眩無所見偏頭痛引目外眥而急領厭主之

目遠視不明惡風淚出憎寒頭痛目眩曹內眥赤

痛遠視眈眈無見背癢痛淫膚白醫精明主之
青盲無所見遠視眈眈目中淫膚白膜覆童子巨
窳主之

目不明淚出目眩曹瞳子癢遠視眈眈昏夜無見
目瞶動與項口參相引喎僻不能言刺承泣
目痛僻戾不明四白主之

目赤目黃權窳主之
睛目水溝主之

目痛不明斷交主之
目瞑身汗出承漿主之

青盲瞳目惡風寒上關主之

青盲商陽主之

瞳目眈眈偏歷主之

眼痛下廉主之

目中白醫前谷主之

目痛泣出甚者如脫前谷主之

白膜覆珠子無所見解谿主之

灸法 餘穴見前

瞳目眈眈少氣灸五里右取左左取右

眼暗灸大椎下數節第十當脊中安灸二百壯惟多

爲佳至驗

肝勞邪氣眼赤灸當容百壯兩邊各兩穴在眼小眚
近後當耳前三陽三陰之會處以兩手按之有上下
橫脈則是與耳門相對是也

眼急痛不可遠視灸當瞳入上入髮際一寸隨年壯
穴名當陽

風醫患右目灸右手中指本節頭骨上五壯如小麥
大左亦如之

風癢赤痛灸人中近鼻柱二壯仰臥灸之

目卒生醫灸大指節橫文三壯在左灸右在右灸左

良

鼻病第一 論一首 灸法六首 方三十九首

治鼻塞腦冷清涕出方

通艸

辛夷 各半兩

細辛

甘遂 一作甘艸

桂心

川芎

附子 各一兩

右七味爲末蜜丸綿裹內鼻中密封塞勿令氣泄
丸如大麻子稍加微覺小痛搗薑爲丸卽愈用白
狗膽汁和之更佳

治鼻塞常清涕出方

細辛

川椒

乾薑

芎藭

吳茱萸

附子

各十
八銖

桂心

一兩

皂莢屑

半兩

猪膏

一斤

右九味咬咀以綿裹苦酒漬一宿取猪膏煎以附子色黃為度去滓綿裹內鼻孔中并摩鼻上治涕出不止方

灸鼻兩孔與桂齊七壯

香膏 治鼻塞窒方

白芷

川芎

通艸

各十
八銖

當歸

細辛

薰艸

辛夷

各三
十銖

右七味咬咀以苦酒浸一宿以不中水猪肪一升煎三上三下以白芷色黃膏成去滓綿沾如棗核大內鼻中日三小品加桂
心十八銖香膏 治鼻不利方

當歸

薰艸

古今錄驗
用木香

通艸

細辛

蕤仁

各十
八銖

川芎

白芷

各半
兩

羊髓

四兩猪
脂亦得

右八味咬咀以微火合煎三上三下白芷色黃膏成去滓取如小豆大內鼻中日二先患熱後鼻中

生赤爛瘡者以黃芩梔子代當歸細辛

又方

瓜蒂末少許吹鼻中亦可綿裹塞鼻中

治鼻塞多年不聞香臭清水出不止方

取當道車輾過蒺藜一把搗以水三升煎取熟
先仰臥使人滿口含取一合汁灌鼻中使入不
過再度大嚏必出一兩箇息肉似赤蠅 一方
有黃連等分同煎

行義

鼻塞腦冷涕出千金多用外治總以辛溫開通經
絡爲主隨所見標本而加清熱滌垢等藥卽濁穢

屬熱亦必藉辛溫以導其滯非若近世以清濁分
孰淵也此方以通艸通關利竅引領桂附川芎細
辛辛夷達於病所又須甘遂開奪門戶而與之以
出路也 其第二方亦用桂附芎辛更兼椒薑吳
萸力倍辛夷抑且皂莢迅於甘遂酢浸膏煎較蜜
丸之緩急霄壤矣 香膏二方並用通艸辛芷芎
歸薰艸前用辛夷以散頭風腦痛後用麩仁以治
邪熱結氣其猪肪羊髓總滋血氣之用惟鼻瘡赤
爛者不獨以芩梔代歸辛并不得用醋漬而前方
薰艸坊本誤作莽艸今從翼方正之 其瓜蒂塞

鼻取黃水以去濁濕 疾藜灌鼻取嚏以出息肉
雖多年痼疾可使霍然

治鼻塞氣息不通方

小薊一把咬咀以水三升煮取一升分二服

又方

槐葉 五升

葱白 切一升

豉 一合

右三味以水五升煮取三升分温三服

衍義

鼻塞無時得通定屬有形血病多緣衄時誤行止

截瘀積髓海所致故專取小薊散血為主 若鼻

塞有時略通定屬無形風病風入腦戶久而不解

風從火化故以槐葉清解蘊熱葱豉解散風毒也

治鼻鼈方

通艸

細辛

附子

右三味等分爲末蜜丸和綿裹少許內鼻中

又方

甘遂

通艸

細辛

又附子 各等分

右四味爲末以白雄犬膽和爲丸如棗核大綿裹

內鼻中辛熱涕出四五升瘥亦治息肉

治鼈鼻有息肉不聞香臭方

瓜丁

細辛

右二味等分爲末以綿裹如豆大許塞鼻中須臾
卽通

又方

炙皂莢爲末如小豆大以竹管吹入鼻中

又方

乾薑末蜜和塞鼻中吹亦佳

又方

鐵鑠磨石取末以猪脂和綿裹內之經日肉出
瘥

衍義

鼻鼈必有息肉阻礙氣道不得貫通之故故以散
結通氣爲主方用通艸開通關竅細辛解散結邪
附子流行經絡立方最捷而用之不應故於前方
加入甘遂而子之以出路且以犬膽代蜜專力辟
除濁垢也 其用瓜丁細辛專滌濕熱瓜丁卽連
瓜蒂處苦極者是用以搐鼻專取頭中寒濕黃水
濕去則息肉除而香臭聞矣 皂莢吹鼻猛於瓜
丁若吹之過力每致腦中掣痛用者須知 乾薑
蜜和塞鼻其法雖緩而用之無咎 鐵鑠性沉下
氣氣下則結自開熱自墜矣 如上諸法總爲因

病而鼈者設若胎生鼻鼈雖有刀圭不能開辟混
沌也

通艸散 治鼻中息肉不通利方

通艸 半兩

礬石

珍珠 各一兩

右三味為末撚綿如棗核取藥如小豆著綿頭內
鼻中日三易之 一方有細辛桂心各一兩同前
搗末和使之

衍義

消鼻中息肉礬石最捷佐以珍珠消管通艸透竅
加桂辛尤為得力

治鼈鼻鼻中息肉不得息方

礬石

藜蘆 各六銖

瓜蒂 二十七枚

附子 十二銖

右四味各搗篩合和以小竹管吹藥如小豆許於
鼻孔中以綿絮塞鼻中日再以愈為度 古今錄驗
加葶藶半兩

衍義

礬石化息肉藜蘆去死肌瓜蒂祛濕熱附子溫散
積結之固疾

治鼻中息肉方

炙蠟皮為末綿裏塞之三日

治鼻中息肉不聞香臭方

燒礬石末以面脂和綿裹著鼻中數日息肉隨藥消落

又方

末瓜丁如小豆許吹入鼻中必消如此三四度良

又方

綿裹瓜蒂末塞鼻中

又方

細篩釜底墨水服之三五日

又方

義

右二味為末水和服方寸七

蝟皮消歹肉較礬石稍緩瓜丁攻濕熱與瓜蒂無

異其水服釜底墨專散火毒上壅鼻不得息

同細辛用則兼散風熱然惟暴起息肉者宜之翼

方又以香油煎煉雄黃內鼻而散息肉功在諸方

之上

羊肺散 治鼻中息肉梁起方

羊肺一具乾之

白朮四兩

菴蓉

通艸

川芎

乾薑

各二兩

右六味爲末食後以米飲服五分七加至方寸七
又方

通艸十二銖

珍珠六銖

礬石

細辛各一兩

右四味爲末熬綿如棗核沾散如小豆并綿內鼻

中日再三

治鼻中息肉方

灸上星二百壯穴在直鼻入髮際一寸

衍義

鼻梁高起濕熱上攻肺經之驗故首推羊肺之同

氣相干以引通艸泄熱乾薑散結川芎祛風生木

燥濕茯苓之鹹引之下泄也 其後內鼻方卽前

通艸散加細辛以散風熱而梁可平矣

治鼻中生瘡方

搗杏仁乳傅之亦燒核壓取油傅之

又方

燒牛狗骨灰以臘月猪脂和傅之

衍義

杏仁解毒殺蟲而走肺竅 牛狗骨乃血肉餘滓

故可以治血肉之毒

治疔蟲蝕鼻生瘡方

燒銅筋頭以酢淬之數過取酢傅之

衍蟲本濕熱所化病從肝生燒銅淬酥以斂肝殺蟲
濕熱亦隨之而化矣

治鼻痛方

常以油塗鼻內外酥亦得

治卒食物從鼻中縮入腦中介介痛不出方

牛脂若羊脂如指頭大內鼻中以鼻吸取脂須

臾脂消則物逐脂俱出也

衍

痛用油塗酥潤物從鼻中縮入腦中梗痛用羊脂

吸取總取潤滑之意

論曰鼻頭微白者亡血設令微赤非時者死病人色

白者皆亡血也凡時行衄不宜斷之如一二升已上
恐多者可斷即以龍骨末吹之九竅出血者皆用吹
之

治大便出血及口鼻皆血出血上心胸氣急此是

勞熱所致方

生地 八兩

蒲黃 一升

地骨皮 五兩

黃芩

芍藥

生竹茹 各三兩

右六味咬咀以水八升煮取二升七合分溫三服

凡吐血衄血溺血皆臟氣虛隔氣傷或起驚悸治

之之方

生竹皮 一升

芍藥

黃芩 各二兩

川芎

當歸

桂心

甘艸 各一兩

右七味咬咀以水一斗煮竹皮減三升下藥煎取

二升分三服

治衄血方

生地 六兩

川芎 一兩

細辛 六銖

伏龍肝 二枚如雞子大

桂心

白芷

乾薑

芍藥

甘艸

吳茱萸 各三兩

右十味咬咀以水三升酒七升煮取三升分三服

生地黄湯 治鼻衄方

生地 八兩

黃芩 一兩

阿膠

甘艸 各二兩

柏葉 一把

右五味咬咀以水七升煮取三升去滓內膠煎取

二升半分三服

又方

生地 三斤

阿膠 二兩

蒲黃 六兩

右三味以水五升煮取三升分三服

治鼻中出血不止方

地黄

梔子

甘艸

各等分

右三味治下節酒服方寸七日三如鼻疼者加豉一合鼻有風熱者以葱涕和服如梧子五丸

衍義

血從上下溢出勞熱不能制攝可知故用地黃蒲黃輩爲之止截所謂急則治其標也然必量其稟質多火者方可止之若真陰有虧慎勿誤投生地黃黃芩等味使血滯積不散久成窠囊不可解救者業常見之所以診其鼻微白者爲亡血血亡雖多僅宜龍骨末外吹不得寒涼止截若反見鼻微赤是虛火上炎非時所宜故主以死示人切勿妄

治也

其第二方治吐血衄血亦用竹皮芍藥黃

芩而兼芎歸和血桂心散血甘艸和胃與前方止

散天淵其第三方雖用生地黃乃兼薑桂辛荊

芎芷伏龍肝等溫散之品則生地亦從之而散血

無疑其第四方則大劑生地作主復兼阿膠黃

芩柏叶甘艸一意止截但欠金匱柏叶湯中薑艾

黃土湯中朮附一籌耳其第五方亦用生地阿

膠而加蒲黃雖生用可散血熱在胃氣虛寒者不

無奪食作瀉之虞其第六方但用地黃梔子甘

艸三味恐苦寒兼併雖用酒服未必能行散血干

金等方當時必為邪熱亢盛妄行不止而設後人可不加察而效尤取咎以為先哲立方之過歟

又方

飲小薊汁良

又方

搗楮葉汁飲三升大良

又方

取亂髮五兩燒作灰以管吹鼻中棗核大不止益吹之以血斷止并水服方寸七日三甚者夜二已困不識人者服亦佳

又方

淳酢和竈土塗陰囊上乾易之

又方

韭根葱根取汁懸頭著一棗大內鼻中少時更著兩三度瘥葱白搗汁亦得

衍義

飲小薊汁有散血之能 飲楮葉汁有溫血之力 吹服髮灰有止中寓散之妙 酢和竈土塗陰囊有引肝火下行之功 葱韭汁內鼻孔有溫經散血之力亦外治之一助也

衄時癢癢便灸足大指節橫理三毛中十壯劇者百

壯筋不止灸之并治陰卵腫

又灸風府一穴四壯不止又灸

又灸涌泉二穴各百壯

口病第三 論一首 灸法二首 方五十六首

論曰凡患口瘡及齒禁油麩酒醬酸酢鹹膩乾棗瘥後仍須慎之若不久慎尋手再發發即難瘥薔薇根角蒿為口瘡之神藥人不知之

治口中面上息肉轉大方

以刀決潰去膿血即愈

治口中瘡久不瘥入胸中並生瘡三年已上不瘥

者方

濃煎薔薇根汁含之又稍稍咽之日三夜一冬用根夏用莖葉

又方

角蒿灰傅之一宿知二宿瘥有汁吐之不得咽也

衍義

治病各有專藥野生白薔薇根足陽明經除風殺蟲要藥口瘡乃陽明濕熱除風則濕散故千金以治口瘡神藥 角蒿辛苦殺蟲蟲本濕熱所化濕去蟲無以生何有口瘡之患

治口瘡不歇方

牛膝

生蘘荷根

各三兩 黃柏 一兩

右三味咬咀以綿裹酒三升漬一宿微火煎一兩

沸細細含之

升麻煎 治膀胱熱不已口舌生瘡咽腫方

升麻

元參

薔薇根白皮

射干

各四兩

大青

黃蘗

各三兩

蜜 七合

右七味咬咀以水七升煮取一升五合去滓下蜜更煎兩沸細細含咽之

衍義

口瘡不歇濕熱隨虛陽漸漬於上蘊為火毒入傷有形之血以故愈而復發牛膝生用去惡血逐火毒性專下行能使口瘡熱毒下降蘘荷乃芭蕉中之一種色白者為殺蟲神藥取其辛散故口瘡亦得用之黃蘗苦寒降泄酒漬微煎含之雖久漬之濕熱口瘡必隨之而漸化矣 升麻性升散風腫諸毒療喉痛口瘡元參治腎虛真陰失守膀胱之火僭逆咽喉腫痛射干療喉痺咽痛不得息散結氣大青瀉肝膽濕熱解毒殺蟲得薇根蘗皮其襄厥功蜂蜜解毒和中滋潤喉舌畱戀諸藥性味含

之丸為得宜

治口數生瘡連年不瘥方

薔薇根

黃芩

當歸

桔梗

黃芪

白朮

大黃

鼠李根皮

芍藥

續斷

黃蘗

葛根

各二兩

右十二味為末以酒服方寸七日二亦可漿水服之

治胃中客熱唇口乾燥生瘡方

茯苓

黃芩

甘艸

大黃

薔薇根

各三銖

枳實

杏

黃連

各一兩

桂心

半兩

栝蒌根

十八銖

右十味為末食前漿水服方寸七日二

衍義

方中諸藥主治人所易明惟大黃黃芪合用之旨

世所共昧蓋瘡之數發不已連年不瘥必有濕熱

浸淫乎裏非大黃不能引領芩蘗薔薇鼠李開泄

火毒於下非黃芪不能引領桔葛歸芍續斷填固

血氣於上脫或火毒雖下而血氣未固必至瘥而

復發所以急需黃芪以杜火毒復擾之害 唇口

乾燥生瘡脾家濕熱顯著於外又須伊尹三黃兼
芩枳栝蕒以清胃熱桂心熱因熱用為三黃等藥
開導濕熱甘艸以和寒熱諸性杏仁薇根口瘡之
本藥也

治口熱生瘡方

升麻三十一

黃連十八

錄驗作黃蘗

右二味為末綿裹含咽汁亦可去之

治口瘡方

黃蘗二兩

升麻三兩

生地黄五兩

薔薇根皮四兩

右四味咬咀以水七升煮取三升去滓含之瘡止

含極吐却更含

治口中瘡爛痛不得食方

甘艸一寸

黃連六銖

杏仁二十枚

右三味為末合和綿裹杏仁大含之勿咽日三夜

一

衍義

升麻散火黃連祛濕專主中上二焦燥渴引飲之
病用綿裹含咽緩祛浮外客熱不用湯液蕩滌於
裏反戕臟腑正氣 但燥不渴知熱在下焦血分
陰火不能勝水故但取升麻散火不用黃連燥濕

而易黃蘗專治陰火生地黃專滋陰血薔薇根除風祛濕為口瘡之專藥 若口中瘡爛明是脾家濕火恐成蝕瘡故用黃連燥濕清熱甘艸解毒和中杏仁下氣散結預防蟲蝕之患

薔薇圓 治口中瘡身體有熱氣痲痺方

薔薇根

黃芩

鼠李根

當歸

葛根

白蘗

黃蘗

石龍芮

翼作黃連

芍藥

續斷

黃芪

各兩

栝萋根

一兩

右十二味為末蜜和丸如梧子服十九日三

術義

口瘡而見身熱痲癩明係陽明濕熱漸漬經脈內理非湯藥吹點可以疾祛故用薔李葛根栝萋為口瘡根本之治芪芍歸續調其營衛芩蘗斂芮兼清中外之毒其石龍芮即水堇之子性善流走能利關節通濕痺在和營藥中蜜丸深得毒藥緩用之奧

又方

梔子

甘艸

各十銖

細辛

三十銖

桂心

十二銖

芎藭

一兩

右五味為末蜜丸食後服七丸日再服瘥

又方

芎藭

白芷

橘皮

桂心

棗肉

各一兩半

右五味為末蜜和丸食後服十五丸又含之以瘥為度此方甚驗

衍義

口瘡而用桂心芎藭導虛火和營血崇本之治難為俗陳其細辛專散浮熱梔子專散泄虛陽甘艸調和寒熱諸性也 其後方同用芎桂而兼白芷專散風熱橘皮專泄氣滯棗肉專和胃氣蓋用白芷散風即細辛散熱之意用橘皮泄氣即梔子泄

火之意用棗肉和胃即甘艸和藥之意以意逆之前方必為多火者設後方必為多痰者設可不詳審立方之義歟

治口吻生瘡方

以楸白皮及濕貼之三四度瘥

又方

取經年葵根欲腐者彌佳燒作灰及熱傅之良又方

取新炊飯了甑及熱以唇口向甑唇上熨之二七下三兩上瘥止

治口肥瘡方

熬竈上飯令焦末傅之

治燕吻瘡方

白楊枯枝鐵上燒取瀟及熱傅之

衍義

燒松柏瀟皆治頭面熱瘡白楊枯枝瀟兼主風熱瘡毒

治口傍惡瘡方

亂髮灰

故絮灰

黃連末

乾薑末

右四味等分合和為散以粉瘡上不過三遍即愈

衍義

見前小兒雜病門

治口中瘡咽喉塞不利口燥膏方

猪膏

白蜜

各一斤

黃連

各一兩

右三味合煎去滓攪令相得含如半棗大日四五夜二

衍義

猪膏蜂蜜滋血潤燥不得黃連無以祛散濕熱也

治熱病口爛咽喉生瘡水漿不得入膏方

當歸

射干

升麻

各一兩

附子

半兩

白蜜

四兩

右五味咬咀以猪脂四兩先煎令成膏下著地勿

令大熱內諸藥微火煎令附子黃色藥成絞去滓
內蜜復上火一兩沸令相得置器中令凝取如杏
仁大含之日四五遍輒咽之

衍義方以升麻散火當歸和血射干散咽喉結氣附子
導亢逆虛陽脂蜜清咽潤燥并和射干附子之烈
也

治失欠頰車蹉開張不合方

一人以手指牽其頤以漸推之則復入矣推當
疾出其指恐誤嚙傷人指也

治失欠頰車蹉方

消蠟和水傅之善

衍義先用手法以正頰車後消蠟水以傅頰頰取至淡
以解蘊熱也

又方

灸背第五椎一日二七壯滿三日未瘥灸氣衝
二百壯胸前喉下甲骨中是亦名氣堂

又方

灸足內踝上三寸宛宛中或三寸五分百壯三
報此三陰交穴也

治卒口噤不開方

千金方卷之...
以附子搗末納管中強開口吹口中

衍義

病起卒暴定屬陰邪苟非辛熱無以開之然亦有火極似水之假象不可不審詳係火毒又必寒熱兼濟方為合法若單用苦寒則火遏閉不散矣

甘艸圓 治口中熱乾方

甘艸

人參

半夏

生薑

烏梅肉

各一兩半

棗膏

二兩半

右六味為末蜜丸如彈子大旋含咽日三

衍義

口中熱乾與虛勞晡熱大異既乾且熱明係脾家津液固結不能灌注於上故用人參甘艸滋益肺

胃半夏生薑流濕潤燥烏梅棗膏輸化精微也

治口乾方

羊脂若猪脂雞子大擘之納半升酢中漬一宿

絞取汁含之

治口乾除熱下氣方

石膏

五合碎

蜜 二升

右二味以水三升煮石膏取二升內蜜煮取二升

去滓含如棗核大咽汁盡更含之

治虛勞口乾方

麥門冬

二兩末

大棗肉

三十枚

千金方卷之...

...

掃葉山房

右二味以蜜一升和令熟五升米下蒸之任性服
又方

羊脂如雞子大醇酒半升棗七枚擘合漬七日
取棗食之

又方

酸棗 一升

酸石榴子

烏梅 各五合

栝萋實

葛根

甘艸 各三兩

麥門冬 四兩

覆盆子 三合

右八味為末以蜜丸含如棗大以潤為度

行義

因津液耗散口乾則用醋漬羊脂絞含 因肺胃

客熱口乾則用石膏蜂蜜煮含 因虛勞口乾則

用麥冬大棗蜜和米蒸任服 因虛勞津液不充

口乾則用酒漬羊脂製棗取食 因虛勞津液耗

散口乾則用酸棗栝子烏梅收斂津液栝萋實開

宣痰氣煨葛根敷布胃津炙甘艸輸運水穀之精

微麥門冬滋益肺腎之氣化覆盆子補益五臟之

精氣總取酸收不使津液耗散而灌溉有常烏有

口乾之患乎

五香圓 治口及身臭令香止煩散氣方

豆蔻

丁香

藿香

零陵香

青木香

白芷

桂心各一兩

香附子二兩

甘松香

當歸各兩半

栴榔二枚

右十一味為末蜜和丸常含一九如大豆許咽汁日三夜一亦可常含咽之五口口香十日遍體香二七日衣被香三七日下風火聞香四七日洗手水落地香五七日把他手亦香慎五辛下氣去臭衍義身口俱臭濁穢之氣遏絕清虛之道故使胸中煩擾口氣不清周身毫孔俱沾汗濕不潔之氣是必辛香調暢其氣使上徹口鼻外徹周身其得力丸

在栴榔一味以與穢濁之出路也

含香圓 治口氣臭穢宜常服之方

丁香半兩

甘艸三兩

芎藭一兩

細辛

桂心各一兩半

右五味為末蜜丸如彈子大臨臥時服二丸

又方

桂心

甘艸

細辛

橘皮

右四味等分治下篩以酒服一錢七瘥止

又方

棗肉 八兩

芎藭

白芷

橘皮

桂心 各四兩

右五味為末次納棗肉乾則加蜜和丸如大豆許
旦服十九食前食後常含之或吞之七日大香
治口中臭方

桂心

古今錄驗
用細辛

甘艸

各等分

右二味為末臨臥以指撮許酒服二十日即香
又方

細辛豆蔻含之甚良

又方

蜀椒

桂心

各等分

右二味為末酒服三指撮許

主口香去臭方

甘艸

三十銖

白芷

十八銖

川芎

二十四銖

右三味治下篩以酒服方寸七日三服三十日口

香

又方

大棗

瓜子仁

松根白皮

右三味治下篩以酒服方寸七日二服一百日衣
被香

又方

瓜子仁

芎藭

藁本

當歸

杜蘅

細辛

防風

各六銖

半兩

右七味治下篩食後飲服方寸七日三服五日口香十日身香二十日肉香三十日衣被香五十日遠聞香一方加白芷十八銖

又方

濃煮細辛汁含之久乃吐之

又方

香薷一把水一斗煎取三升稍稍含之

又方

橘皮

二十銖

桂心

十八銖

木蘭皮

一兩

大棗

二十枚

右四味治下篩酒服方寸七日三久服身香亦可
以棗肉丸之服二十九如梧子大稍加至三十九
一方旨芎藭十八銖

又方

甜瓜子仁末蜜和丸如棗核大每日空心洗漱
訖含一九亦傳齒

又方

熬大豆令焦及熟酢沃取汁含之

治七孔臭氣皆令香方

沉香 五兩

藁本 三兩

白皮瓣 半升

丁香 五合

甘艸 當歸

芎藭

麝香 各二兩

右八味為末蜜丸如小豆大食後服五丸日三久服令舉身皆香

衍義

千金治口氣諸方或服或含多用辛香開竅之品惟用香薷辟除水道瓜仁開豁痰垢為從本之治

後人師之有效其餘治七孔臭氣薰衣諸法皆非療疾所需姑存以俟修容者採用

治身體臭令香方

甘子皮

白芷 各一兩半

瓜子仁 二兩

藁本

當歸

細辛

桂心 各一兩

右七味治下篩酒服方寸七日三服五日口香三七日身香

又方

甘艸

松根皮

大棗

甜瓜子各等分

右四味治下篩食後服方寸七日三七日知百日
大香

薰衣香方

零陵香

丁香

青桂皮

青木香

雞骨煎香

鬱金香

楓香各三兩

薰陸香

蘇合香

甘松香

甲香各二兩

沉水香五兩

雀頭香

白檀香

安息香

艾納香

藿香各一兩

真麝香半兩

右十八味為末蜜二升半煮肥棗四十枚令爛熟
以手痛搗令爛如粥以生布絞去滓用和香乾濕
如捺麩搗五百杵成丸密封七日乃用之以微火
燒之以盆水內籠下以殺火氣不爾必有焦氣也
又方

沉香

煎香各五兩

雀頭香

丁子香

藿香各一兩

右五味治下篩內麝香末半兩粗羅臨薰衣時蜜

和用

又方

薰陸香

沉香

檀香

兜婁婆香

煎香

甘松香

零陵香

藿香各一兩

丁香十八銖

棗肉八兩

苜蓿香二兩

右十一味粗下篩合棗肉再搗量加蜜丸用之
濕香方

沉香二斤七兩九銖

甘松香

檀香

雀頭香一作藿香

雞骨煎香

甲香

零陵香

丁香各三兩九銖

麝香二兩九銖

薰陸香三兩六銖

右十味爲末臨用時以蜜和若預和味歇不中用
又方

沉香三兩

零陵香

煎香

麝香各一兩半

丁子香

藿香各半兩

甲香

檀香各三銖

薰陸香

甘松香六銖

右十味粗下篩蜜和用熏衣瓶盛埋之久響佳
百和香通道俗用者方

沉香五兩

丁子香

雞骨香

兜婁婆香

甲香各三兩

薰陸香

二八方行卷六上

五

掃葉山房

白檀香

熟捷香

炭末

各二兩

零陵香

青木香

青桂皮

甘松香

白漸香

柴也

藿香

各一兩

雀頭香

蘇合香

安息香

麝香

燕香

各半兩

右二十味為末酒漬軟再宿酒氣歇以白蜜和內

磁器中蠟紙封勿令氣洩冬月開取用大佳

裏衣香方

丁子香

一兩

苜蓿香

二兩

甘松香

茅香

各三兩

藿香

零陵香

各四兩

右六味各搗加澤蘭葉四兩粗下篩用之極美

又方

零陵香

二兩

藿香

苜蓿香

甘松香

白檀香

煎香

沉水香

各一兩

右七味合搗加麝香半兩粗下篩用如前法

又方

藿香

四兩

丁香

甘松香

麝香

沉香

煎香

右六味粗下篩和為乾香取裏衣大佳

舌病第四 方十一首

升麻煎 舌主心臟熱即應舌生瘡裂破引脣揭赤服之洩熱方

蜀升麻

射干

各三兩

柏葉

切一升

大青

二兩

苦竹葉

切

地黄汁

各五兩

生元參汁

二合

赤蜜

八兩

生蘆根

薔薇根白皮

各五兩

右十味咬咀以水四升煮取一升去滓下元參汁令兩沸次下地黄汁兩沸次下蜜煎取一升七合綿惹取汁安舌上含細細咽之

治舌上瘡不得食舌本強頸兩邊痛此是心虛熱所致之方

柴胡

升麻

芍藥

梔子仁

通艸

各二兩

黃芩

大青

杏仁

各一兩半

生薑

石膏

各四兩

右十味咬咀以水一斗九升煮取三升半分四服日三夜一滓可重煎服之

衍義 舌乃心之苗包絡侮於君主則生瘡破裂其來也漸若龍雷亢逆則脹大滿口其發最暴但緩從正

治暴須從治亦有包絡兼挾龍雷者則於緩急微甚之間隨其逆順多少而為處裁如此方用升麻升散射干破結柏葉大青等味涼血解熱惟薔薇根除風解毒為口舌專藥 第二方因頸兩邊俱痛故以柴胡兼升麻提挈清陽杏仁下氣解毒與用射干之意不殊生薑為奪門健卒引領石膏大青輩直達底裏可無捍格不入之患矣

治舌卒腫滿口溢出如吹猪胞氣息不得通須臾不治殺人方

急以指刮破舌兩邊去汁即愈亦可以鉞刀決

兩邊破以瘡膏傅之

又方

刺舌下兩邊大脈血出勿使刺著舌下中央脈血出不止殺人如上治不愈或血出數升則燒鐵篋令赤熨瘡數過以絕血也

衍義舌腫脹滿口如吹猪胞乃龍雷亢極卒然而發藥所不及非急為決破難以救療 又刺舌兩邊去血以泄其毒則與前法無異如刺後腫仍不減血出不止則燒鐵篋烙刺瘡上亦救急法中之法

又方

半夏十二枚洗熟以酢一升煮取八合稍稍含漱之吐出加生薑一兩佳

治舌腫起如猪胞方

釜下墨末以酢厚傅舌上下脫去更傅須臾卽消若先決出血汁竟傅之彌佳凡此患人皆不識或錯治益困殺人甚急但看其舌下自有噤蟲形狀或如螻蛄或如臥蠶子細看之有頭尾其頭少白燒鐵釘烙頭上使熱卽自消

衍義

金匱苦酒湯治少陰病咽中傷生瘡不能語言聲不出故以雞子殼內半夏苦酒和雞子清煮取合

咽干金借此以治舌卒腫滿口溢出與咽無預故不用雞子清但取半夏辛溫開通陰氣之閉塞苦酒酸寒收斂陰津之浮散更加生薑則毒無餘蘊矣 又取金墨醋傅以散陰火暴逆同氣相招之妙用無逾於此在決破後用之尤爲應手又須視舌下有蟲形者急爲烙之陰毒最暴不急下手變證叵測况錯治乎

治舌腫强滿口方

滿口含糖酢少許時熱通卽止

治舌腫滿口不得語方

鹽一升

麈蟲三十枚

右二味以水三升煮三沸含之稍稍咽之日三治舌強不得語方

礬石

桂心

右二味等分爲末安舌下立瘥

舌上黑有數孔大如筋出血如湧泉此心臟病治之之方

戎鹽

黃芩一作黃蘗

黃蘗

大黃

各五兩

人參

桂心

甘艸

各二兩

右七味爲末蜜丸梧子大以飲服十九日三亦燒鐵篋烙之

治舌上出血如泉方

燒鐵篋熱烙孔中良

衍義

舌雖腫硬滿口而不似猪胞其勢較前稍緩但取

糖醋含漱探吐頑涎熱毒便可宣通矣 舌腫滿

口不得語而用鹽麈方下雖無病因察其舌心僵

紫故可驗爲血證無疑 舌強不得語而用礬桂

方下亦無病因察其舌色必淡故以滌垢散結爲

務也 舌孔出血如湧泉心包與龍雷之勢交煽

非三黃不能奪其亢逆非戎鹽不能滋其真陰非
桂心不能攝其虛陽非人參甘艸不能實其中土
以杜陰火復擾之患藥所不及又須熱烙血孔與
刺後血不止舌下有蟲形烙法無異總取同氣相
感之力耳

唇病第五 方二十一首
灸法二首

潤脾膏 治脾熱唇焦枯無潤方

生天門冬 切 生地黄汁 升 生麥門冬

葳蕤 各四兩 猪膏 三斤 細辛

甘艸 芎藭 白朮 各二兩

黃芪 升麻 各三兩

右十一味咬咀諸藥苦酒淹一宿綿裹藥臨煎下
生地黄汁與猪膏其煎取膏鳴水氣盡去滓取細
細含之

衍義方中二冬葳蕤地黄猪膏以滋血氣之燥升麻細
辛以散經氣之熱白朮黃芪以固肌氣之鬆甘艸
以和諸藥之性苦酒以收諸氣之散也

甲煎唇脂 治唇裂口臭方

先以麻搗泥泥兩口好磁瓶容一斗已上各厚
半寸曬令乾

甘松香 五兩

艾納香

苜蓿香

茅香 各一兩

藿香 三兩

零陵香 四兩

右六味先以酒一升水五升相和作湯洗香令淨
切碎又以酒水各一升漬一宿明旦取烏麻油一
斗五升上六味內其中微火煎三上三下去滓內
上件一口瓶中令少許不滿然後取

上沉香 三斤

雀頭香

蘇合香 各八兩

白膠香

白檀香 各五兩

丁香

麝香

甲香 各一兩

右八味先酒水相和作湯洗香令淨各別搗碎不

用絕細以蜜二升酒一升和香內上件磁瓶申令
實滿以綿裹瓶口又以竹篾交橫紮之勿令香出
先掘地埋上件油瓶令口與地平以香瓶合覆油
瓶上令兩口相當以麻搗泥泥兩瓶口際令牢密
可厚半寸許用糠壅瓶上厚五寸燒之火欲盡即
加糠三日三夜勿令火絕計糠十二石訖停三日
令冷出之別研蠟八斤煮數沸內紫艸十二兩煎
數十沸取一莖紫艸向爪甲上研看紫艸骨白出
之又以綿濾過與前煎相和令調乃內硃砂粉六
兩攪令相得少冷未凝之間傾置竹筒中筒上用

紙裏纏之待凝冷解開任意用之計此可得五十挺

甲煎口脂 治唇白無血色及口臭方

燒香澤法

沉香

甲香

丁香

麝香

檀香

蘇合香

薰陸香

零陵香

白膠香

藿香

甘松香

澤蘭

右十二味各六兩胡麻五升先煎油令熟乃下白膠香藿香甘松澤蘭少時下火綿濾內磁瓶中餘

八種香搗作末以蜜和勿過濕內著一小磁瓶中令滿以綿幕口竹十字絡之以小瓶覆大瓶上兩口相合密泥泥之乃掘地埋油瓶令口與地平乃聚乾牛糞燒之一方用糠火燒之七日七夜不須急滿十二日火尤佳待冷出之即盛其瓶並須熟泥勻厚一寸曬乾乃可用

鍊蠟合甲煎法

蠟

紫艸 各二兩

右先鍊蠟令消乃內紫艸煮少時候看以紫艸向指甲上研之紫艸心白即出之下蠟勿令凝即傾

溺一合甲煎於蠟中均攪灌筒中勿觸動候冷凝
乃取之便成好口脂也傅口面日三

治緊脣方

纏白布作大燈炷如指安斧刃上燃炷令刃汗
出拭取傅脣上日二三度或故青布亦佳并治
瀋脣

又方

自死螻蛄灰傅之

又方

炙松脂貼上取瘡

又方

取蛇皮拭淨燒爲灰傅之

又方

以火炙蠟貼脣取瘡

又方

水服鱗鱗灰良

又方

青布灰以酒服之脂和塗亦可

又方

灸虎口男左女右

又方

灸承漿三壯

治瀝屑方

以乾蟻螯燒末和猪脂臨臥傅之

又方

燒蟹甲及頭令烟盡爲末傅之日三度

治屑生瘡方

以頭垢傅之日三度

又方

以胡粉傅之

治屑邊生瘡連年不瘥方

以八月藍葉十斤絞取汁洗不過三日卽瘥

治屑舌忽生瘡方

燒雞屎白爲末以布裹著病上含之

治屑黑腫痛癢不可忍方

以竹弓彈出惡血取瘥

又方

燒亂髮及蜂房六畜毛作灰猪脂和傅之亦治

瀝屑

治冬月屑乾垢血出方

千金方衍義卷之十一
搗桃仁以猪脂和傅之

治遠行脣口面皴裂方

熟煎猪脂將行夜常取傅面行走萬里野宿不損

衍義

甲煎諸方咸取香竄無益於治也惟鍊蠟合甲煎方取蠟之淡以化熱紫艸之醜以滋血脣脂方中首推簡要藥也 他如鐵汗松脂蛇蛻蜜蠟螬蟲布灰隨便可以取用鱉甲頭垢胡粉藍葉雞屎白灰並治脣瘡髮灰蜂房桃仁猪脂皆治脣黑腫癢能散惡血熟煎猪膏常取傅面取其不沾塵垢所

謂醫者意也豈可拘於繩墨哉

孫真人千金方衍義卷六上 終

